

Broj: 01-01.3-2927-7/17 PV

Datum: 28.07.2017. godine

Na osnovu člana 70. Zakona o javnim nabavkama ("Službeni glasnik BiH" broj 39/14 u daljem tekstu Zakona), te člana 15. Pravilnika o javnim nabavkama JP Autoceste FBiH d.o.o. Mostar i preporuke Komisije za javne nabavke konstatirane u Zapisniku o pregledu i ocjeni ponuda broj: 01-01.3-2927-6/17 PV od 25.07.2017. godine direktor Javnog preduzeća "Autoceste Federacije Bosne i Hercegovine" društvo sa ograničenom odgovornošću Mostar donosi sljedeću:

ODLUKU
o poništenju postupka javne nabavke
u konkurentskom zahtjevu

I

Poništava se postupak broj: 01-01.3-2927/17 PV skupa sa Obavještenjem o nabavci broj: 266-7-2-213-3-83/17 objavljenim na Portalu javnih nabavki dana 06.07.2017. godine koji se provodi putem konkurentskog zahtjeva, a koji se odnosi na pružanje usluga: "Stručno savjetovanje za odabir tehničkih rješenja na dionici autoceste Poprikuše - Nemila" u skladu sa članom 69. stav (2) tačka d) Zakona, jer nijedna od primljenih ponuda nije prihvatljiva.

II

1. Ponuda ponuđača "Građevinski fakultet Univerziteta u Sarajevu, Institut za geotehniku i geologiju" se odbija kao neprihvatljiva u skladu sa članom 68. stav (1) i stav (4) tačka i) Zakona, jer ponuda ne ispunjava kvalifikacione uvjete tehničke i profesionalne sposobnosti i ne ispunjava zahtjeve iz tenderske dokumentacije.
2. Ponuda ponuđača "Institut za građevinarstvo "IG" Banja Luka" se odbija kao neprihvatljiva u skladu sa članom 68. stav 1) Zakona jer ne ispunjava zadate uvjete tehničke i profesionalne sposobnosti.

III

U skladu sa članom 70. stav (6) Zakona JP „Autoceste FBiH“ d.o.o. Mostar će ovu Odluku objaviti na svojoj internet stranici: www.jpautoceste.ba.

O b r a z l o ž e n j e

Javno preduzeće „Autoceste Federacije Bosne i Hercegovine“ društvo sa ograničenom odgovornošću Mostar je u skladu sa članom 88. Zakona o javnim nabavkama, pokrenulo



konkurentski zahtjev broj: 01-01.3-2927/17 PV za nabavku usluga: „Stručno savjetovanje za odabir tehničkih rješenja na dionici autoceste Poprikuše - Nemila”. Na Portalu javnih nabavki objavljeno je Obavještenje o nabavci 266-7-2-213-3-83/17 dana 06.07.2017. godine.

Kriterij za dodjelu ugovora je „najniža cijena“.

Na osnovu Obavještenja o nabavci i tenderske dokumentacije zakazano je javno otvaranje ponuda dana 19.07.2017. godine u 10:30 sati u prostorijama Javnog preduzeća „Autoceste Federacije Bosne i Hercegovine“ d.o.o. Mostar, Braće Fejića bb Mostar, što je konstatirano u zapisniku o otvaranju ponuda u skladu sa Zakonom. Komisija je na javnom otvaranju ponuda konstatirala da su svoju ponudu predala (2) dva ponuđača.

Komisija je prema članu 65. Zakona pristupila pregledu i ocjeni ponuda, što je evidentirano u Zapisniku o pregledu i ocjeni ponuda, koji je sastavni dio ove Odluke.

Shodno prijedlogu i preporuci Komisije za javne nabavke poništava se konkurentski zahtjev za pružanje usluga: „Stručno savjetovanje za odabir tehničkih rješenja na dionici autoceste Poprikuše - Nemila” u skladu sa članom 69. stav (2) tačka d) Zakona, jer nijedna od primljenih ponuda nije prihvatljiva.

- Ponuda ponuđača „Građevinski fakultet Univerziteta u Sarajevu, Institut za geotehniku i geologiju” se odbija kao neprihvatljiva u skladu sa članom 68. stav (1) i stav (4) tačka i) Zakona, jer ponuda ne ispunjava kvalifikacione uvjete tehničke i profesionalne sposobnosti i ne ispunjava zahtjeve iz tenderske dokumentacije.

- Ponuda ponuđača „Institut za građevinarstvo “IG” Banja Luka” se odbija kao neprihvatljiva u skladu sa članom 68. stav 1) Zakona, jer ne ispunjava zadate uvjete tehničke i profesionalne sposobnosti.

Shodno navedenom ugovorni organ je prihvatio prijedlog Komisije i donio Odluku kao u dispozitivu.

Pouka o pravnom lijeku:

Protiv ove Odluke može se uputiti žalba u roku od pet (5) dana od dana prijema ove Odluke.

Žalba se izjavljuje ugovornom organu u pisanoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.

Prilog:


- Zapisnik o pregledu i ocjeni ponuda

izvršni direktor
za projektovanje i građenje:

dr. Jasmin Bučo,

direktor:

Adnan Terzić, dipl.ing.



Dostaviti:

- Građevinski fakultet Univerziteta u Sarajevu, Institut za geotehniku i geologiju
- Institut za građevinarstvo “IG” Banja Luka
- a/a



Identifikacijski broj 4227691540005 PDV broj 227691540005
Glavni račun: Union banka Sarajevo 1020010000014039
Transakcijski račun: Raiffeisen bank dd Sarajevo, glavna filijala Mostar 1610200062470038
Federalna taksa za korištenje autoceste: 1610200062470232 i 3386902296565422
Naknada za korištenje cestovnog zemljišta: 1610200062470135 i 3386902296564549

AD

Broj: 01-01.3-2927-6/17 PV

Datum: 25.07.2017. godine

Sastanci održani 19.07.,20.07. i 21.07.2017. godine u prostorijama JP "Autoceste FBiH" d.o.o. Mostar.

Ugovorni organ je pokrenuo konkurentski zahtjev za dostavu ponuda koji se sprovodi u skladu sa članom 88. Zakona o javnim nabavkama.

Sastancima prisustvuju sva tri člana komisije imenovane rješenjem broj: 01-01.3-2927-2/17 od 13.07.2017. godine.

U skladu sa članom 65. Zakona o javnim nabavkama („Službeni glasnik BiH“, broj 39/14), članom 18. Uputstva za pripremu modela tenderske dokumentacije i ponuda i članom 14. Pravilnika o javnim nabavkama JP „Autoceste FBiH“ d.o.o. Mostar, Komisija dostavlja:

**ZAPISNIK O PREGLEDU I OCJENI PONUDA
u konkurentskom zahtjevu**

- a) **Naziv i sjedište ugovornog organa:** JP "Autoceste FBiH" d.o.o. Mostar;
- b) **Predmet nabavke:** „Stručno savjetovanje za odabir tehničkih rješenja na dionici autoceste Poprikuše - Nemila“;
- c) **Evidencijski broj nabavke:** 01-01.3-2927/17 PV od 22.06.2017. godine;
- d) **Vrsta postupka javne nabavke:** Konkurentski zahtjev;
- e) **Broj obavještenja o nabavci sa Portala javnih nabavki:** Obavještenje o nabavci broj 266-7-2-213-3-83/17 objavljeno dana 06.07.2017. godine;
- f) **Datum početka pregleda i ocjene ponuda:** Komisija je počela da pregleda ponude 19.07.2017. godine;
- g) **Naziv i sjedište svih ponuđača, prema redoslijedu zaprimanja ponuda:**
1. Građevinski fakultet Univerziteta u Sarajevu, Institut za geotehniku i geologiju koji je ponudio cijenu u vrijednosti od 29.250,00 KM sa uračunatim PDV-om;
 2. Institut za građevinarstvo "IG" Banja Luka koji je ponudio cijenu u vrijednosti od 32.760,00 KM sa uračunatim PDV-om;
- h) **Prikaz prihvatljivosti ponuda prema obliku, sadržaju i potpunosti iz zapisnika sa otvaranja ponuda:**
1. Ponuđač Građevinski fakultet Univerziteta u Sarajevu, Institut za geotehniku i geologiju je preuzeo tendersku dokumentaciju preko sistema "E-nabavke". Ponuda ponuđača Građevinski fakultet Univerziteta u Sarajevu, Institut za geotehniku i geologiju je uredno zapakovana, obrasci popunjeni, cijena bez PDV-a upoređena u obrascima Aneks 2 i Aneks 3, identična u oba obrasca.
 2. Ponuđač Institut za građevinarstvo "IG" Banja Luka je preuzeo tendersku dokumentaciju preko sistema "E-nabavke". Ponuda ponuđača "Institut za građevinarstvo "IG" Banja Luka je uredno zapakovana, obrasci čitko popunjeni, cijena bez PDV-a upoređena u obrascima Aneks 2 i Aneks 3, identična u oba obrasca.



- i) Procijenjena vrijednost nabavke: 35.000,00 KM bez uračunatog PDV-a;
 j) Analitički prikaz traženih i dostavljenih dokumenata na osnovu koji se utvrđuje postoje li razlozi isključenja ponuđača:

R. B.	ANALIZA, PREGLED I OCJENA PONUDA	NAZIV PONUĐAČA	
	„Stručno savjetovanje za odabir tehničkih rješenja na dionici autoceste Poprikuše - Nemila“	„Građevinski fakultet Univerziteta u Sarajevu Institut za geologiju i geotehniku“	„Institut za građevinarstvo “IG” Banja Luka“
a.	Kvalifikacioni uvjeti (uvjet/dokaz):		
1.	<p>Lična sposobnost. Uvjet: U skladu sa članom 45. Zakona, ponuda će biti odbijena ako je ponuđač:</p> <p>a) u krivičnom postupku osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili u zemlji u kojoj je registrovan;</p> <p>b) pod stečajem ili je predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku obustavljanja poslovne djelatnosti, u skladu sa važećim propisima u Bosni i Hercegovini ili u zemlji u kojoj je registrovan;</p> <p>c) nije ispunio obaveze u vezi s plaćanjem penzionog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili u zemlji u kojoj je registrovan;</p> <p>d) nije ispunio obaveze u vezi s plaćanjem direktnih i indirektnih poreza u skladu sa važećim propisima u Bosni i Hercegovini ili u zemlji u kojoj je registrovan.;</p> <p>Dokaz: U svrhu ispunjavanja uslova iz tačke 2.1. i) ponuđači trebaju dostaviti Izjavu ovjerenu kod nadležnog organa (organ uprave ili notar) da se na njih ne odnose slučajevi definisani tačkom 2.1. i) od a) do d) tenderske dokumentacije. Izjava se dostavlja u formi utvrđenoj Aneksom 5 tenderske dokumentacije</p>	+	+
2.	<p>-pravo ponuđača na obavljanje profesionalne djelatnosti koja je u vezi sa predmetom nabavke, u skladu sa članom 46. Zakona i/ili da su registrirani za obavljanje predmetne djelatnosti u relevantnim profesionalnim ili trgovačkim registrima;</p> <p>-u svrhu dokazivanja prava na obavljanje profesionalne djelatnosti, u skladu sa članom 46. Zakona, ponuđač mora dostaviti dokaz o registraciji u odgovarajućem profesionalnom ili drugom registru u zemlji u kojoj je registriran ili da obezbijedi posebnu izjavu ili potvrdu nadležnog organa kojom dokazuje njegovo pravo da obavlja profesionalnu djelatnost, koja je u vezi sa predmetom nabavke. Dostavljeni dokazi se priznaju, bez obzira na kojem nivou vlasti su izdati. Dokazi koji se dostavljaju moraju biti originali ili ovjerene kopije;</p>	+	+
3.	<p>- tehničku i profesionalnu sposobnost u skladu sa članom 50. Zakona: Uvjet: -da ponuđač ima na raspolaganju ključno osoblje:</p> <ul style="list-style-type: none"> - vođa tima – odgovorni revident - dipl.ing.građevinarstva sa položenim stručnim ispitom ili ekvivalentnom profesionalnom inženjerskom kvalifikacijom iz drugih zemalja, te sa najmanje 10 godina iskustva stečenog u projektovanju i/ili reviziji projekta autocesta i/ili brzih cesta; - jedan inženjer za trasu, petlje, ostale ceste i saobraćajne površine - dipl.ing.građ. sa položenim stručnim ispitom ili ekvivalentnom tehničkom kvalifikacijom iz zemlje iz koje dolazi, te sa najmanje 7 godina radnog iskustva stečenog u projektovanju i/ili reviziji predmetnih projekata autocesta i/ili brzih cesta; - jedan inženjer za inženjerske konstrukcije (mostovi, vijadukti, nadvožnjaci, podvožnjaci i sl.) - dipl.ing.građ. sa položenim stručnim ispitom ili ekvivalentnom tehničkom kvalifikacijom iz zemlje iz koje dolazi, te sa te sa najmanje 7 godina radnog iskustva stečenog u projektovanju i/ili reviziji predmetnih objekata na autocesti ili brzog cesti; - jedan inženjer za inženjerske konstrukcije (tuneli) - dipl.ing.građ. sa položenim stručnim ispitom ili ekvivalentnom tehničkom kvalifikacijom iz zemlje iz koje dolazi, te sa najmanje 7 godina radnog iskustva stečenog u projektovanju i/ili reviziji predmetnih objekata na autocesti i/ili brzog cesti; - jedan inženjer za geologiju - diplomirani inženjer geologije ili rudarstva sa položenim stručnim ispitom ili ekvivalentnom tehničkom kvalifikacijom iz zemlje iz koje dolazi, te sa najmanje 7 godina radnog iskustva u struci stečenog na poslovima geoistražnih radova u oblasti niskogradnje koji ispunjavaju uslove Člana 65. „Pravilnika o geotehničkim istraživanjima i ispitivanjima te organizaciji i sadržaju 	- - - -	n/p + n/p +



	<p>misija geotehničkog inženjersva“ stavovi 2), 3) i 4);</p> <ul style="list-style-type: none"> - jedan inženjer za geotehniku - dipl.ing.građ. sa položenim stručnim ispitom ili ekvivalentnom tehničkom kvalifikacijom iz zemlje iz koje dolazi, te sa najmanje 7 godina radnog iskustva u struci stečenog na poslovima geotehnike u oblasti niskogradnje koji ispunjavaju uslove Člana 65. „Pravilnika o geotehničkim istraživanjima i ispitivanjima te organizaciji i sadržaju misija geotehničkog inženjersva“ stavovi 2), 3) i 4); - jedan inženjer za elektrotehničke projekte - dipl.ing.el. sa položenim stručnim ispitom ili ekvivalentnom tehničkom kvalifikacijom iz zemlje iz koje dolazi, te sa najmanje 7 godina radnog iskustva u struci stečenog na poslovima projektovanja i/ili revizije elektro instalacija i TK kanalizacije saobraćajnica; - inženjer za mašinske instalacije - dipl.ing.mašinstava sa položenim stručnim ispitom ili ekvivalentnom tehničkom kvalifikacijom iz zemlje iz koje dolazi, te sa najmanje 7 godina radnog iskustva u struci stečenog na poslovima projektovanja i/ili revizije mašinskih instalacija saobraćajnica; <p>NAPOMENA: Tim se sastoji od najmanje 7 (sedam) dipomiranih inženjera. Vođa tima može biti jedan od inženjera (inženjer za trasu ili inženjer za konstrukcije mostovi, vijadukti.. ili inženjer za konstrukcije tuneli, galerije..), s tim da uslov postavljen za vođu tima mora biti zadovoljen.</p> <p>Dokaz:</p> <ul style="list-style-type: none"> - Izjavu ponuđača da na raspolaganju ima traženo tehničko osoblje u skladu sa Izjavom datoj u formi Aneks 6. 	+	+
b.	Ispunjenost uvjeta u pogledu dostavljanja svih potrebnih dokumenata prema sadržaju ponude:		
1.	Pravilno popunjen obrazac za ponudu koji je dat u Aneksu 2 tenderske dokumentacije, odnosno obrazac koji sadrži sve elemente definisane Aneksom 2;	-	+
2.	Pravilno popunjen obrazac za cijenu ponude koji je dat u formi kao Aneks 3 tenderske dokumentacije;	+	+
3.	Kvalifikacioni dokumenti predviđeni tačkom 2.2. TD:	+	+
	- Izjava o ispunjenosti uvjeta iz člana 45. stav (1) tačke a) do d), u skladu sa formom Izjave datoj u Aneksu 5;	+	+
	- Ovjerene kopije dokumenata kojima ponuđač dokazuje ispunjenost uvjeta iz člana 46. stav (1) do (2) (<i>dokaz o registraciji: izvod iz sudskog registra, rješenje o registraciji i sl.</i>);	+	+
	- Izjavu ponuđača da na raspolagnju ima traženo tehničko osoblje u skladu sa Izjavom datoj u formi Aneks 6;	+	+
	- Izjava o sukobu interesa (Aneks 7);	+	+
4.	Obrazac povjerljivih informacija, u skladu sa Aneksom 4 – ukoliko ih ponuđač ima;	n/p	+
5.	Izjava o zajedničkoj ponudi i solidarnoj odgovornosti za grupu ponuđača;	n/p	n/p
6.	Potpisan i parafiran nacrt ugovora - koji je sastavni dio konkurentskog zahtjeva kao Aneks 8.;	+	+
7.	Parafiran Opis usluga Stručnog savjetovanja – Prilog A (Aneks 9),	+	+
8.	Popunjene tabele Stručnog savjetovanja – Prilog B i B.1 (Aneks 9),	++	++
9.	Popunjeni biografski podaci za predložene stručnjake – Prilog C (Aneks 9),	-	+
10.	Popunjena Struktura troškova – Prilog D (Aneks 9)	+	+
11.	Izjava ponuđača da će prije potpisivanja ugovora, dostaviti traženo „ovlaštenje/rješenje“ u skladu sa Izjavom datoj u formi Aneks 10	+	+
12.	Izjava kojom se dokazuje ispunjavanje uvjeta za primjenu preferencijalnog tretmana domaćeg zaokruživanjem tačke koja odgovara stanju ponuđača u sklopu Aneksa 2;	+	+
13.	Ponuda mora biti ovjerena pečatom podnosioca ponude, ako po zakonu države u kojoj je sjedište podnosioca ponude podnosilac ponude ima pečat ili dokaz da po zakonu države u kojoj je sjedište ponuđača podnosilac ponude nema pečat;	+	+
14.	Ponuda mora biti potpisana od strane odgovorne osobe za predstavljanje ponuđača (navedenom u Izvodu iz sudskog registra, rješenju o registraciji) ili osobe ovlaštene od strane odgovorne osobe ponuđača pisanom punomoći za potpisivanje ponude (u kojem slučaju se uz ponudu prilaže punomoć). Punomoć, u slučaju grupe ponuđača mora biti dana od svih ovlaštenih osoba za zastupanje članova grupe ponuđača;	+	+
15.	Popis dokumentacije koja je priložena uz ponudu.	+	+
c.	Prikaz prihvatljivosti ponuda prema obliku, sadržaju i potpunosti i ostalih uvjeta iz tenderske dokumentacije		
1.	Cjelovitost ponude	+	+



2.	Uvezana u cjelinu /knjiga, obezbjeđena jemstvenikom/	+	+
3.	Dostavljena kopija ponude	+	+
4.	Ponuda napisana neizbrisivom tintom	+	+
5.	Pravilno numerisana ponuda	-	+
6.	Ponuda napisana na jednom od službenih jezika u BiH	+	+
7.	Ispravke u ponudi	+	-
8.	Računske greške	-	-
9.	Izmjene/dopune ponude i odustajanje od ponude	-	-
10.	Izražena Namjera podugovaranja u Izjavi ponuđača – Aneks 2	-	-
11.	Ponuda u okviru procijenjene vrijednosti	+	+
12.	Prihvatljivost ponude (da/ne)	NE	NE

Objašnjenje oznaka: “+“ (da, dostavljeno/postoji, pravilno popunjeno) “-“ (ne, nije dostavljeno / ne postoji, nije pravilno popunjeno), “n/p” - nije primjenjivo

k) Naziv i sjedište ponuđača koji se isključuju zbog neispunjavanja uslova za kvalifikaciju, te obrazloženje razloga njihovog isključenja za svakog ponuđača posebno:

1. Ponuđač: “Građevinski fakultet Univerziteta u Sarajevu, Institut za geotehniku i geologiju” ispunjava kvalifikacione uvjete lične sposobnosti iz člana 45. Zakona; kvalifikacione uvjete sposobnosti obavljanja profesionalne djelatnosti iz člana 46. Zakona, te djelomično ispunjava kvalifikacione uvjete tehničke i profesionalne sposobnosti iz člana 50. Zakona:

Ponuđač je pogrešno ispunio biografske podatke (CV) za predložene stručnjake, na način da je u koloni za period angažiranja od – do (*mjesec/godina*) neprecizno naveo period (npr. 1994-95, 1995 i sl.) ne navodeći tačan mjesec početka i mjesec završetka pružanja usluge, kako je zahtjevano u Obrascu biografski podatci (CV) – prilog C, tako da Komisija Ugovornog organa nije mogla tačno utvrditi traženo radno iskustvo za svakog pojedinačnog stručnjaka (za trasu, za objekte na trasi – tuneli i mostovi, elektro i mašinske instalacije (npr. deset/sedam godina iskustva stečenog u projektovanju i/ili reviziji).

Stručnjak za elektroinstalacije pravilno je popunio CV, ali zbrajanjem iskustva u struci ustanovljeno je da navedeni stručnjak ima iskustvo od 55 mjeseci odnosno 4 godine i 7 mjeseci na traženim poslovima projektovanja i/ili revizije elektroinstalacija i TK kanalizacije saobraćajnica, što je manje od zahtjevanih 7 godina.

Kao predloženi stručnjaci iz oblasti geologija i geotehnika (doktori tehničkih nauka) ispunjavaju uvjet u skladu sa Pravilnikom o geotehničkim istraživanjima i ispitivanjima te organizaciji i sadržaju misija geotehničkog inženjerstva član 65. stav (2), gdje je navedeno da uvjet za obavljanje poslova geotehničkog inženjerstva ispunjavaju i diplomirani inženjeri srodnih struka (rudarstvo i geologija), “a koji su se kroz radno i stručno usavršavanje specijalizovali za geotehniku: naučno zvanje magistar ili doktor nauka iz oblasti geotehnike ili 10 godina iskustva na značajnim poslovima iz oblasti geotehnike.”

Ponuda ponuđača: “Građevinski fakultet Univerziteta u Sarajevu, Institut za geotehniku i geologiju sadrži i formalno pravne nedostatke:

- ponuđač je prilikom popunjavanja iznosa PDV-a tačka 3. Izjave ponuđača (Aneks 2 – Obrazac za dostavljanje ponude vršio ispravku iznosa PDV-a korektorom, bez navođenja datuma ispravke, što je u suprotnosti sa zahtjevom iz tačke 4.2 Konkurentskog zahtjeva.
- ponuđač je pogrešno numerirao listove ponude što je u suprotnosti sa zahtjevom iz tačke 4.2 Konkurentskog zahtjeva: Svi listovi ponude moraju biti numerirani na način da je vidljiv **redni broj stranice ili lista**, u skladu sa članom 8. stav (6) i (7) Uputstva za pripremu modela tenderske dokumentacije i ponude: „Stranice ponude se označavaju brojem na način da je vidljiv redni broj stranice. Kada je ponuda izrađena od više dijelova, stranice se označavaju na način da svaki slijedeći dio započinje rednim brojem kojim se nastavlja redni broj stranice kojim završava prethodni dio. Garancija kao dio ponude se ne numerišu. Ako sadrži štampanu literaturu, brošure, kataloge koji imaju izvorno numerisane brojeve, onda se ti dijelovi ponude ne numerišu dodatno.” (znači numeracija ide 1.,2.,3,4,..... listovi ponude se ne numeriraju po sadržajnim dijelovima ponude, kako je to uradio ponuđač 3.1, 3.2 i slično).



Dakle, ponuda ponuđača "Građevinski fakultet Univerziteta u Sarajevu, Institut za geotehniku i geologiju" se odbija kao neprihvatljiva u skladu sa članom 68. stav (1) i stav (4) tačka i) Zakona, jer ponuda ne ispunjava kvalifikacione uvjete tehničke i profesionalne sposobnosti i ne ispunjava zahtjeve iz tenderske dokumentacije.

2. Ponuđač: "Institut za građevinarstvo "IG" Banja Luka ispunjava kvalifikacione uvjete lične sposobnosti iz člana 45. Zakona; kvalifikacione uvjete sposobnosti obavljanja profesionalne djelatnosti iz člana 46. Zakona, te djelomično ispunjava kvalifikacione uvjete tehničke i profesionalne sposobnosti iz člana 50. Zakona:

Stručnjak za geologiju pravilno je popunio CV, ali zbrajanjem iskustva u struci ustanovljeno je da navedeni stručnjak ima iskustvo od 62 mjeseca odnosno 5,16 godina na traženim poslovima geoistražnih radova u oblasti niskogradnje, što je manje od zahtjevanih 7 godina (predloženi stručnjak je dipl.inž.geologije).

Upitno je iskustvo Stručnjaka za trasu i Stručnjaka za objekte na trasi - tuneli, gdje u CV-ima navedeno da su oba stručnjaka radili kao **Rukovodilac projektantskog tima** na "Izradi projekta optimizacije LOT 2 – Dionice Vukosavlje – Johovac na Panevropskom koridoru V-c, koji se tiče dionica autoputa kroz Bosnu i Hercegovinu na autoputu Budimpešta-Osijek-Sarajevo-Ploče" u periodu jun-decembar 2013., odnosno **Vođa tima, ekspert za izradu projekta saobraćajne faze** na "Izrada glavnog projekta za izgradnju autoputa Gradiška-Banja Luka (Mahovljani), projektovana dužina 26,481.24 m" u periodu od februar 2006. do mart 2008., jer je **samo jedan stručnjak** (od navedene dvojice) mogao biti rukovodilac projektnog tima odnosno vođa tima, ekspert za izradu projekta saobraćajne faze.

Dakle, ponuda ponuđača "Institut za građevinarstvo "IG" Banja Luka se odbija kao neprihvatljiva u skladu sa članom 68. stav (1) Zakona, jer ponuda ne ispunjava kvalifikacione uvjete tehničke i profesionalne sposobnosti.

l) Podaci o pojašnjenju ponuda: Nije traženo pojašnjenje ponude;

m) Podaci o ispravkama, ukoliko su iste uočene u ponudi i koje su urađene na način da su vidljive (ispravljani podaci moraju biti vidljivi), potvrđene potpisom ponuđača i sa datumom izvršene ispravke:

- U ponudi ponuđača "Građevinski fakultet Univerziteta u Sarajevu, Institut za geotehniku i geologiju" je prilikom popunjavanja iznosa PDV-a tačka 3. Izjave ponuđača (Aneks 2 – Obrazac za dostavljanje ponude vršena ispravka iznosa PDV-a korektorom, bez navođenja datuma ispravke, što je u suprotnosti sa zahtjevom iz tačke 4.2 Konkurentskog zahtjeva - **Ispravke u ponudi moraju biti izrađene na način da su vidljive i potvrđene potpisom ponuđača, uz navođenje datuma ispravke (ispravke se ne vrše korektorom – mora biti vidljivo prvobitno upisano stanje prije ispravke, koje se precrtava i pored njega se upisuju ispravljeno. Ispravke moraju uz navod datuma biti potvrđene pravovaljanim potpisom ovlaštene osobe).**

n) Analiza ponuda vezano uz ispunjenje zahtjeva u pogledu opisa predmeta nabavke i tehničkih specifikacija:

Ponude ispunjavaju zahtjeve u pogledu opisa predmeta nabavke i tehničkih specifikacija.

o) Podaci o ispravkama računskih grešaka u ponudama ako ih je bilo:

Tokom računске kontrole u ponudama nisu uočene računске greške.

p) Naziv i sjedište ponuđača čije ponude se odbijaju na osnovu rezultata pregleda i ocjene ponuda te obrazloženje razloga za njihovo odbijanje:

1. Ponuda ponuđača "Građevinski fakultet Univerziteta u Sarajevu, Institut za geotehniku i geologiju" se odbija u skladu sa članom 68. stav (1) i stav (4) tačka i) Zakona, jer ponuda ne ispunjava kvalifikacione uvjete i ne ispunjava zahtjeve iz tenderske dokumentacije.
2. Ponuda ponuđača "Institut za građevinarstvo "IG" Banja Luka" se odbija kao neprihvatljiva u skladu sa članom 68. stav 1) jer ne ispunjava zadate uvjete tehničke i profesionalne sposobnosti.



- q) Razlog za odbijanje ponude zbog neprirodno niske cijene: Nije primjenjivo;
 r) Analiza prihvatljivih ponuda prema kriteriju za izbor ponude: Nije primjenjivo;
 s) Rangiranje prihvatljivih ponuda prema kriteriju za izbor ponude: Nije primjenjivo;
 t) Naziv ponuđača s kojim ugovorni organ namjerava zaključiti ugovor o javnoj nabavci i razlozi za njegov izbor: Nije primjenjivo;
 u) Podaci o dijelu ugovora koji se daje u podugovor i podaci o podizvođaču: Nije primjenjivo;
 v) Podaci o provjeri najpovoljnijeg ponuđača sa kojim ugovorni organ namjerava zaključiti ugovor o javnoj nabavci: Nije primjenjivo;
 w) Prijedlog odgovornoj osobi ugovornog organa za donošenje odluke o izboru ili odluke o poništenju, s obrazloženjem:

Komisija jednoglasno daje prijedlog direktoru Javnog preduzeća "Autoceste Federacije Bosne i Hercegovine" društvo sa ograničenom odgovornošću Mostar da donese Odluku:

-o poništenju Konkurentskog zahtjeva za nabavku usluga „**Stručno savjetovanje za odabir tehničkih rješenja na dionici autoceste Poprikuše - Nemila**“ u skladu sa članom 69. stav 2) tačka d), jer nijedna od primljenih ponuda nije prihvatljiva;

-da se ponuda ponuđača "Građevinski fakultet Univerziteta u Sarajevu, Institut za geotehniku i geologiju" odbija kao neprihvatljiva u skladu sa članom 68. stav (1) i stav (4) tačka i) Zakona, jer ponuda ne ispunjava kvalifikacione uvjete i ne ispunjava zahtjeve iz tenderske dokumentacije;

- da se ponuda ponuđača "Institut za građevinarstvo "IG" Banja Luka odbija kao neprihvatljiva u skladu sa članom 68. stav (1) Zakona, jer ponuda ne ispunjava kvalifikacione uvjete tehničke i profesionalne sposobnosti.

- x) Datum završetka postupka pregleda i ocjene ponuda: Komisija je završila pregled i ocjenu ponuda dana 21.07.2017. godine;
 y) Ime i prezime te potpis ovlaštenih predstavnika ugovornog organa koji su izvršili pregled i ocjenu ponuda:

Članovi komisije:

Senada Lizde, predsjednik komisije..... *Senada Lizde*

Pero Vukoja, član komisije *Pero Vukoja*

Marijana Prkačin Goluža, član komisije *Marijana Prkačin Goluža*

Za sekretara Komisije imenovana je Ružica Sablić;

- z) Popis priloga uz zapisnik (zahtjevi za pojašnjenjem i/ili upotpunjavanjem dokumenata i ponuda, zahtjevi za dostavom originala ili ovjerenih kopija traženih dokumenata, zahtjevi za prihvatanjem ispravke računске greške, zahtjevi za objašnjenjem neprirodno niske cijene, dostavljeni dokumenti, pojašnjenja, objašnjenja, prihvatanje ispravke, mišljenje stručne službe ugovornog organa ili stručne osobe, i sl.):

- Ovaj zapisnik nema priloga



Identifikacijski broj 4227891540005 PDV broj 227691540005

Glavni račun: Union banka Sarajevo 1020010000014039

Transakcijski račun: Raiffeisen bank dd Sarajevo, glavna filijala Mostar 1610200062470038

Federalna taksa za korištenje autoceste: 1610200062470232 | 3386902298565422

AD